

Atque tribus flos:im tonum signabit idipsum,  
In medio summæ diapason neetit utrumque.  
Namque sonum duplicum simile sed reddit eundem.  
Addit duplex senos videoas notus diatriton,  
Ditonus et semis, quia ditonus alter habetur.  
Motibus his cursum faciet sine musica nullum,  
Est aliquid factum numero modulante relatum,  
Idque latet fixum patet intendendo remissum.  
Est modus ad reliquos phthongi collatio phthongos.  
Dant collata modum sibimet discrimina vocum.  
Quam tonus et semis sequitur vox protus habetur.  
Deuterus et tritus quid sit, sapit ordo vicinus.  
Hisque tono tantum placuit differre tetrardum,  
Ditonus et semis cuius mox jura sequuntur.  
Musica vox horum nulla est sine lege modoruim.  
Quos tantum vulgus sentit de fine petulcus.

A Quatuor authenti plagas geminantur adepti,  
Ni quartus simplex septem discrimina firmet;  
Unde poeta canit : septem discrimina vocum.  
Septimus octavo similis quapropter adhæsit.  
Ex quibus authenti grave sunt discrimen adepti,  
Cum plagæ voces tenues cupiantque minores.  
In quibus ad modicum tamen et collatio distat.  
Quos si forte duos uni vis scribere voci,  
Quatuor in reliquis primatum delta tenebunt.  
Enthymema sonos claudit signaque remotos.  
Concordant flexu diatessaron addita nexus,  
Comparat intentos diapeptente relatio gressus.  
Jus tenet ambarum spatium diapason et harum  
Refert alterius cum suscipit altera vices,  
Quas tunc alterius cum suscipit altera vices,  
B Unde duo signum variant loca cujus idipsum.

## ITEM ALIÆ GUIDONIS REGULÆ

### DE IGNOTO CANTU

*Identidem in Antiphonarii sui prologum prolatæ.*

Temporibus nostris super omnes homines fatui sunt cantores; in omni enim arte valde plura sunt, quæ nostro sensu cognoscimus, quam ea, quæ a magistro didicimus. Perfecto enim solo psalterio omnium librorum lectiones cognoscunt pueruli, et agriculturæ scientiam subito intelligunt rustici. Qui enim unam vineam putare, unam arbusculam inserere, unum asinum onerare cognoverit, sicut in uno facit, in omnibus similiter, aut etiam melius facere non dubitabit. Mirabiles autem cantores et cantorum discipuli etiamsi per centum annos quotidie cantent, nunquam per se sine magistro unam vel saltem parvulam antiphonam cantabunt, tantum tempus in cantando perdentes, in quanto et divinam et secularēm scripturam potuissent plene cognoscere.

Et quod super omnia mala magis est periculosum, multi religiosi ordinis clerici et monachi psalmos et sacras lectiones et nocturnas cum puritate vigilias, et reliqua pietatis opera, per quæ ad sempiternam gloriam provocamus et ducimur, negligunt; dum cantandi scientiam, quam consequi nunquam possunt, labore assiduo et stultissimo persequuntur.

Illi quoque quis non defleat, quod tam gravis error est in sancta Ecclesia, tamque periculosa discordia, ut quando divinum officium celebramus, sepe non Deum laudare, sed inter nos certare videamus. Vix deinceps unus concordat ultra iugum

discere sit valde difficile, de multis non est dubium, quin sit impossibile.

Quia in re cum pro sua ipsi voluntate multa commutent, aut parum aut nihil mibi indignari debent, si a communis usu vix in paucis abscedo, ut ad communem artis regulam uniformiter omnis cantilena recurrat. Quoniam vero hæc omnia mala et multa alia eorum culpa eveniunt, qui antiphonaria faciunt, valde moneo et contestor, ne aliquis amplius presumat antiphonarium neumare, nisi qui secundum subjectas regulas bene potest et sapit ipsam artem perficere; alioquin certissime erit magister erroris, quicumque non prius fuerit discipulus veritatis.

C Taliter etenim Deo auxiliante hoc antiphonarium notare disposui, ut per eum posthac leviter aliquis sensatus et studiosus cantum discat; et postquam partem ejus per magistrum bene cognoverit, reliqua per se sine magistro indubitanter agnoscat. De quo si quis me mentiri putat, veniat, experiatur et videat, quod tale hoc apud nos pueruli faciunt, qui pro psalmonum et vulgarium litterarum ignorantia sæva adhuc suscipiunt flagella, qui sæpe et ipsius antiphonæ, quam per se sine magistro recte possunt cantare, verba et syllabus nesciunt pronunciare; quod cum Dei adjutorio leviter sensatus et studiose aliquis poterit facere, si cum quanto studio

vero inter lineas in medio intervallo et spatio li- A rantur prioribus in nullo dissimiles. Quæ omnia plenarum.

Quanticumque ergo soni in una linea vel in uno spatio sunt, omnes similiter sonant. Ut autem et illud intelligas, quantæ lineæ vel spatia unum habent sonum, quibuslibet lineis vel spatiis quædam litteræ de monochordo præfigurantur, atque etiam colores superducuntur: unde datur intelligi, quia in toto antiphonario et in omni cantu quantæcumque lineæ vel spatia unam eamdemque habent litteram vel eundem colorem, ita per omnia similiter sonant, tamquam si omnes in una linea fuissent, quia sicut linea unitatem sonorum, ita per omnia littera vel color unitatem significat linearum, ac per hoc etiam sonorum.

B

Quodsi secundum ordinem sonorum ab ipsa littera vel colorata linea ubique inspicias, et illud aperte cognosces, quia in omnibus secundis ordinibus eadem vocum et neumarum est unitas. Similiter de tertio vel quarto ordine et reliquis intellige, sive superiores sive inferiores ordines cernas.

Igitur certissime constat, quia omnes neumæ vel soni in ejusdem litteræ vel coloris lineis similiter possit, vel dissimiliter litterata vel colorata linea pariter elongati, per omnia similiter sonant: In diversis autem lineis vel spatiis etiam similiter factæ neumæ nequaquam similiter sonant. Ideoque quamvis perfecta sit positura neumarum, eaæcæ omnino est, et nihil valet sine adjunctione litterarum vel colorum.

Duos enim colores ponimus, crocum scilicet et rubrum, per quos colores valde utilem tibi regulam trado, per quam aptissime cognosces de omni neuma et unaquaque voce, de quali tono sit, et de quali littera monochordi: si tamen, ut valde est opportunitum, monochordum et tonorum formulas in frequenti habeas usu.

Septem vero sunt litteræ monochordi, sicut pleni postea monstrabo. Ubicumque ergo videris crocum, ipsa est littera tertia C. et ubicumque videris minium, ipsa est littera sexta F. sive in lineis, sive inter lineas ipsi ducantur colores. Igitur tertio ordine sub croco prima est littera A. in qua tonus primus (ct) vel secundus: super hanc juxta crocum secunda littera B. in qua est tonus tertius vel quartus. Deinde in ipso croco est vox (id est) vel littera tertia C. in qua est tonus quintus et sextus. Vicina super crocum et tertia sub minio, est littera quarta D. in qua est tonus primus vel secundus. Proxima est minio quinta E. in qua tonus tertius vel quartus

I.	d	II.
V.	c	VI.
III.	b	IV.
I.	a	II.
VII.	g	VIII.
V.	f	VI.
III.	e	III.
I.	d.	II.
V.	c.	VI.
III.	b.	III.
I.	a.	II.
VII.	G	VIII.
V.	F	VI.
III.	E	III.
I.	D	II.
V.	C	VI.
III.	B	III.
I.	A	II.
VII.	F	VIII.

Quamvis autem duo semper toni in una sint littera vel voce, tamen multo melius et frequentius convenient singulis neumis ac sonis formulæ secundi toni, quarti, sexti et octavi. Nam formulæ primi, tertii, quinti et septimi non convenient, nisi cum cantus ab alto descendens in gravem devenerit finem.

Illud tandem cognosce, quod si vis in his notis proficere, necesse est ut aliquantos cantus ita memoriter discas, ut per singulas neumas modos vel sonos omnes, qui, vel quales sint, memoriter sentias. Quod quidem longe aliud est memoriter sapere, quam memoriter canere, cum illud soli habeant sapientes, hoc vel saepe faciant imprudentes. Et simplicibus quidem ad cognoscendas simpliciter neumas ista sufficient. Quomodo autem liquescant voces, et an adhærenter vel discrete sonent. Quæcæ sint morosæ et tremulæ, et subitanæ, vel quomodo cantilenæ distinctionibus dividatur, et an vox sequens ad precedentem gravior, vel acutior, vel æquisona sit, facili colloquio in ipsa neumarum figura monstratur, si, ut debent, ex industria componantur.

### EPILÓGUS.

*De modorum formulis et cantuum qualitatibus.*

Vocum modus, veterum editus voto, disgragatus a vero et recto cantionis genere, et in chromaticam mollitatem deductus ob rationis penuriam num ad priorem statum labore. haud facilis reductus est. Etenim quia (qui) ab auctoribus est editus, moderatim jamjamque gravitate carebat. Nec mirum; cum enim existenter quidam, qui illum aurum arbitrio commiserint, quidam vero potiori agentes concilia nationibus edidissent.

3. De consonantia, seu minus convenientia vocum earundem.

4. De affinitatibus diversarum vocum. De proprio vel adjectivo accidenti unicuique.

De modorum quatuor generibus, eoruinque partione cum differentibus distinctionibus.

De formulis differentiarum, et earum proprietatis.

I. Vox est aer ictus auditu sensibilis, quantum in ipso est. Omnis autem vox aut est continua, aut divisa. Continua est, ubi sic se vocum sequitur ordo, ut unius finis, alteriusque principium discerni facile non possit; sicut fit cum in cœlesti areu colorum habitudines speciamus. Sic enim rubens cernitur, ut tamen ejus initium vel finis comprehendendi non videntur. Sic est in reliquis. Divisa vero, quæ singillatim profertur. Nulla vero vox fit, nisi motus praecedat. Praecedente autem motu, si fuerit velox, spissiores et acutiores reddit voces, si autem rarus, graves et grossiores.

Musica vox fit motione, motio autem habet in se tenorem. Quod quantitatem motionis exsequitur; ita ut si motus fuerit brevis, perparvus existat et tenor: si major, ampliorum habebit tenorem. Musicus autem motus fit sex soluimmodo modis, id est, tono, semitonio, semiditono, vel tribemitonio, ditono, diatessaron et diapente. Intueri ergo libet, ut secundum quod creverit motus, crescat et tenor; verbi gratia: Ditonus duplum tonum, propterea et duplum habebit tenorem. Tenor autem est mora uniuscujusque vocis, quem ut tempus grammatici in syllabis brevibus et longioribus superscribunt.

II. Ex supradictis autem motibus alii existunt integræ, id est, qui monochordum regulariter partituntur, ut tonus, et reliqui: alii autem ab integritate deficiunt, qui monochordum æquis ponderibus dividi nequeant, ut semiditonus. Tonus ergo integra dimensio est, quia per sesquioctavam proportionem regularis monochordi partitionem assequitur; diatessaron vero per sesquiteriam; diapente autem per sesquialteram. Quapropter tonus omnis fit novenis passibus, diatessaron quaternis, diapente vero ternis. Diapason autem ubique fit duobus passibus, cum et vicissim sibi in consonantiarum partibus succedunt.

III. Omnis autem cantilena septem dissimilibus vocibus perficitur, ex quibus aliae sunt consonæ, aliae vero dissonæ. Prima itaque et quarta vox ternas in depositione, ac binas in elevatione simillimas habent formulas. At secunda et quinta quatuor in depositione, et unam in elevatione. Porro tertia et sexta quatuor ab inferioribus similes habent formulas.

A ac sexta quaternis formulæ similibus elevantur, ac una deponuntur: unde et utraque proto adscribuntur. Tertia vero et septima ternas elevationes ac binas depositiones habent, similesque deuteri modi exstant. Nam ergo quarta cum octava minus in una elevatione convenient. Notandumque, quia unius hoc esse dicantur modi, quæ elevatione magis convenient. Quæ quamvis unius esse dicantur modi, habentes similes elevationes et depositiones, nullatenus tamen aliqua ex his cum aliqua sibi depositione concordanti elevatione concordat, aut convenient in elevatione depositioni concordat.

B IV. Unaquæque vero vocum habet aliquid proprium, dum earum affinitas non ex toto acunine vel gravitate concordant, et aliqua semper similitudine cum extranels admiscentur, id est, cum eis, qui alterius modi sunt, utpote D. et A. quæ affines sunt, id est, unius modi non sunt proto tum similes, sed singillatim proprias retinent qualitates, dum D. depositur tono, semitonio, et iterum elevatur tono, semitonio, tritono, et semiditono usque ad aliud d. acutum. Itemque A. ditono deponitur et semiditono, elevatur autem per tonum, semitonium et ditonum usque ad aliud a. acutum. Sed satis nunc ostensam esse dissimilitudinem inter affines voces arbitror.

C Nunc et similium vocum edisseram similitudinem: dum enim D. sit protus, et G. tetrardus, utraque tamen semitonio et ditono deponuntur, et ea synphonia, quæ D. continetur, si sit dispositiva, tum modo et G. cani potest; quod exemplo patet in antiphona hac.

c

*Spiritus alme illustrator omnium.*

D V. Sunt autem modi vocum quatuor, id est, protus, deuterus, tritus, tetrardus, qui et totidem subjugales habent; et principales quidem authentos dicimus, subjugales autem plagis nominamus. Eorum differentia talis est. Cum quilibet cantus octo vocibus ascendat, descendat vero quinque, atque inter omnes sint XII. una ex his bis anumerata graves omnes cum aliqua parte acutarum plagis attribuunt. Porro authentis cunctæ acutæ cum aliquantis gravium convenient. Notatoque, quod sint tres ordines vocum, id est, graves, mediæ et acutæ. Ex

E quibus mediæ semper annexuntur utrisque, acutæ autem convenient autentis, et graves plagibus. Et sic semper tres ex ambabus partibus utrorum sunt propriae.


F VI. Differentiarum autem horum modorum formulæ secundum principia cantuum dispositæ sunt. Et quemadmodum finalis vox aliquem proprium modum metitur, sic et rationaliter principia eo-

que modo diversas et ampliores, et in quibusdam districtiores formulas efficiunt, secundum quod unicuique motiones cum adherectionibus adjungere possunt. Nec aliquis modorum ampliores permittuntur habere formulas, nisi quae ex ipso regulariter generari poterunt; ut sit cautela permaxima in vocum modulis, dum qualitatibus et quantitatibus excreverint.

Quocirca musicus motus continet qualitatem et quantitatem. Quod si desierit qualitatem quantitatemque motus habere, jam non musicus motus erit. Qualitas autem motus est, utrum sit protus vel deuterus, aut quilibet aliis modus. Quantitas autem, utrumnam sit duplus, sesquialter aut sesquiterius. Qualitas in modorum speciebus, quantitas in magnitudine prescribitur motuum. Praeterea et modorum diversae species non minima preponunt quantitate

A seu qualitate, dum unus in modum historicæ recto et tranquillo seratur cursu; alter vero anfractis salibus concinatur; alias videatur garrulus, et saevus in sublime extollens audientium animos. Item vero placidus lætiamque indicans morum; quod cuique prudenti satis patebit, curare si studuerit.

Diversas autem habent formulas singuli modorum, quas regulariter sic de unoquoque producimus modo. Primo opium constituantur musicus motus, in quo sit qualitas et quantitas, ex quo regularis vox oritur. Ex qualitate autem modi et ex quantitate singuli procreantur motus. Vox autem sit praesentiva, appositoria et subpositiva. Quae dum simul permixtae fuerint, regulares et probatissimas in unoquoque modo consert formulas. Quod ut facilius pateat, figuram subjecimus, quo facilius per oculos via sit.



Igitur protus decem habet regulares formulas, id est sex præpositivas, et tres appositivas, unamque subpositivam. Et hæ quidem, quæ præpositivæ sunt, sunt tono, ditono, semiditono vel trihemitonio, et diapente. Appositivæ sunt, quæ in eadem voce, qua formula finitur, antiphonæ principium ponuntur. Et hæ quidem duobus modis sunt, id est aliquando in prima voce, id est, ea quæ finem terminat: interdum in annibus, in his videlicet quæ finali voce per sex supradictas consonantias convenienti. Subpositivæ, autem sunt semiditono. Et dicuntur subpositivæ eo quod finies formularum sub principia ducantur antiphonarum.

Quoniam vero protus duas diversas in una terminacione habere videatur formulas, libet intueri uberrimus, quibus distinctionibus ultraque discerni valeant, cum una ex his sit authentica, altera plagalis. Et B propterea terminas distinctionem summam intendere: ita et authentis non est opportunitas, sumit: in earumdem plagarum intendere, nisi transferantur. Sicque singuli propriam amittunt vim, dum alterius nituntur adsumere gradum.

**Protus adest denis formarum nexus habenis,**  
**Quæ modum authenticum nectunt undique totum.**  
**Hæ tibi sint cordi, jugiter habeantur in ore.**  
**Has, quæso, ne minuas, poteris si addere curas.**